

ते हून खबरां तफसील कन्नै:-

<><><><><><>

LG -SASB

उपराज्यपाल मनोज सिन्ही हो'रें जम्मू च कल श्री अमरनाथ जी अस्थापन बोर्ड दी 50मीं बैठक दी अध्यक्षता कीती। बोर्ड नै जानकारी दिती जे इस बरे दी श्री अमरनाथ जी दी यात्रा दी पैहली पूजा जयेष्ठ पूर्णिमा आहले दिन यानि 29 जून 2026 गी कीती जाग। इस दौरान एह फैसला बी कीता गया जे बाबा बर्फानी पर आधारित श्रीनगर ते जम्मू च Laser ते Sound Show बी कराया जाग। बोर्ड नै पंजीकृत यात्रियें- सेवा उपलब्ध करोआने आहलें अधिकारी- लोड़ पौने पर लाए जाने आहले कर्मचारी ते पूजारियें दा दुर्घटना बीमा 5 थमां बदाइयै 10 लक्ख रपे करी दिता ऐ। बैठक दौरान यात्रा दी त्यारियें- ढांचागत सुविधाएं गी बदाने- सुरक्षा इंतजामें ते श्रद्धालुएं दी सहूलत वगैरा दा जायजा लैता गया।

<><><><><><>

LG- Dyar Dham (Byte)

उपराज्यपाल मनोज सिन्हा हो'रें आखेया जे भारत दी क्षमता छड़े मनुकखी संसाधनें नमियें काहड्डे- स्टार्ट-अप- विज्ञान ते अंतरिक्ष च गै नैई ऐ सगुआ अध्यात्म च बी ऐ। सदियें थमां लोकें इस लौस गी अपने ज्ञान ते ध्यान कन्नै जगाइयै रक्खेया ऐ। एह गल्ल उपराज्यपाल हो'रें Dyar Dham च शामिल होने मगरा आकखी। एदा सरिस्ता “महा-शिवरात्री” दे सरबंध्यै च माता भद्रकाली मंदर थलवाल जम्मू च कीता गेदा हा। उ'नें आखेया जे भारत इसलै दो क्रांति थमां लंगा'रदा ऐ। इस दा नतीजा ढांचागत विकास- Artificial Intelligence ते डिजिटल अर्थबवस्था ऐ

ते दुआ अपना विवेक- मुल्लें-कदरें गी बनाई रखदे होई- वैश्विक समाज लेई इक नज़रिए कन्नै चलना- उपराज्यपाल होरें आखेया जे औने आले भविक्ख च भारत गै दुनिया गी सेई बता पर चलने दा रस्ता दस्सोग। उ'नें आखेया.

<><><><><><>

Assembly Proceedings

जम्मू-कश्मीर विधान सभा च अज्ज 2026-27 बरे लेई ग्रांट मंगें पर चर्चा ते मतदान होग। मंत्री जावेद अहमद राणा होर जल शक्ति- जंगलात- जलवायु ते जनजातीय मामलें कन्नै जुड़ी दियें मंगें गी पेश करंगन। सदन सिंचाई- हाड़ नियंत्रण- पुलस- पानी दी आपूर्ति- साफ-सफाई ते अनुसूचित- अनुसूचित जनजाति ते होरनें पिछड़े वर्गें दे कल्याण आस्तै रपेया-पैहा देने पर विचार करोग। अज्जै दे एजेंडे च प्रश्नकाल ते कटौती प्रस्ताव बी तय कीते गेदे न। तोंआई जंदे रोज विधानसभा नै बक्ख-बक्ख सरकारी मैहकमे लेई ग्रांटें गी ध्वनिमत कन्नै मंजूरी देई दिती। एह मंजूरी दिनै भर चली दी चर्चा मगरा थहोई। सदन नै लोक निर्माण विभाग आस्तै 5 जहार 298 करोड़ 43 लक्ख रपे- उद्योग ते बंज बपार लेई 866 करोड़ 16 लक्ख रपे- श्रम ते रोजगार आस्तै 285 करोड़ 26 लक्ख रपे- हुनर विकास लेई 198 करोड़ 82 लक्ख रपे ते खनन आस्तै 64 करोड़ 93 लक्ख रपे मंजूर कीते न।

<><><><><><>

Speaker Social Media

जम्मू-कश्मीर विधानसभा दे स्पीकर अब्दुल रहीम राथर होरें बीरवारें भरोसा दोआया जे सोशल मीडिया पर विधायकें खिलाफ होआरदे दुष्प्रचार ते गलत सामग्री पर चर्चा होग। इस बारे केंई सारे मिम्बरें अपनी चिंता जाहिर कीती ही। स्पीकर होरें इस पर चला'रदे बजट सत्र दौरान इस पर चर्चा करोआने दा भरोसा दोआया ते आखेया .

सदन च एह मामला पुट्टेया गया जे फेक सोशल मीडिया एकाउंटस ते किश पोर्टल बिजन पुष्टि दे चुने गेदे नुमायंदें खिलाफ ते उन्दी छवि गी नुकसान पुजाने लेई सामग्री पोस्ट करा रदे न। बक्ख-बक्ख सियासी पार्टियें दे मिम्बरें जियां Nazir Gurezi- स्कीना इत् ते शाम लाल शर्मा होरें आखेया.



Assembly Off Day

जम्मू-कश्मीर विधानसभा सचिवालय नै घोषणा कीती ऐ जे सोमवारें 16 फरवरी गी सदन दी कारवाई नैई होग। एह फैसला सब्भनें दी सहमती कन्नै लैता गया ऐ। विधानसभा सचिवालय आसेया जारी Bulletin मूजब 16 फरवरी गी जेड़े कम्म तय हे- हुन ओह 20 फरवरी गी शक्रवारें होगन।



GOC Noushera Visit

व्हाईट नाइट कोर दे जी.ओ.सी. जनरल अफसर कमांडिंग होरें नियंत्रण रेखा पर सुरक्षा स्थिति दा जायजा लैने आस्तै नौशैहरा सैक्टर दे अगेत्रे इलाकें दा दौरा लाया। उ'नें चुनौतिपूर्ण इलाकें ते खराब मौसम दे बावजूद दलेरी कन्नै ड्यूटी गी अंजाम देआ करदे सैनिकें कन्नै गल्लबात कीती ते उ'दी कारवाइयें सरबंधी त्यारियें दा जायजा लैता। दौरें दौरान जी.ओ.सी. होरें गी निगरानी आस्तै पुट्टे गेदे कदम- स्टीक तरीके कन्नै कम्म करने दी समर्थ ते व्यापक सिखलाई सरबंधी पैहलकदमियें बारे जानकारी दिती गेई। जी.ओ.सी होरें सैनिकें दे उच्चे मनोबल लेई उ'दी सराहना कीती ते उब्भरदे खतरें दा मुकाबला करने आस्तै लगातार सोहगा-सतर्क रौहने दी जरूरतें पर जोर पाया।



World Radio Day (Byte)

अज्ज विश्व रेडियो देवस ऐ। एह ध्याड़ा हर बरे 13 फरवरी गी मनाया जंदा ऐ। इस्सै दिन यानि 13 फरवरी 1946 च संयुक्त राष्ट्र रेडियो दी स्थापना होई ही...



Prog. Announcement

आकाशवाणी जम्मू दे प्रादेशिक समाचर एकांश आसेया अज्ज यानि 13 फरवरी गी विश्व रेडियो दिवस दे मौके पर 25एं मिन्टें दा इक विशेष कार्यक्रम प्रसारित कीता जाग- जेदा विषे होग- “रेडियो ते आर्टिफिशल इंटेलिजेंस” . 13 फरवरी गी दपैहरी 12 बजे प्रसारित होने आहले इस

कार्यक्रम च स्हाड़े परोहने होगंन- वरिष्ठ प्रसारक ते साबका स्टेशन डायरेक्टर शमीन्द्र कुमार जेहड़े इस विशे पर अपने माहिराना विचार सांझे करगंन.

इस कार्यक्रम दी मेजबानी साहड़े न्यूज एंकर जगमोहन शर्मा हुंदे आसेया कीती जाग। एह कार्यक्रम मीडियम वेव 303 मीटर यानि 990 किलोहर्टज ते एफ.एम 100 अशारिया 3 मैगाहर्टज पर प्रसारत कीता जाहग।



Upcoming Festivals

औंदे महाशिवरात्री ते रमज़ान दे त्योहारें गी सुचारु ढंगे सिर मनाने आस्तै जम्मू खिते दे सब्भे जिला प्रशासनें आसेया व्यापक बंदोबस्त कीते जा'रदे न। सुरक्षा- ट्रैफिक प्रबंधन- पानी ते बिजली दी बिना कुसै रुकावट कन्नै आपूर्ति- साफ-सफाई ते एमरजेंसी सेवाएं पर खासतौरा पर ध्यान केन्द्रित किता जा'रदा ऐ। सेहत मैहकमे दियां टीमां- एम्बुलेंसैं ते अग्ग शा बचाव दे उपास बी कीते गे न- जिसलै के अधिकारियें लोकें गी साफ-सफाई बनाई रक्खने- ट्रैफिक नियमें दा पालन करने ते त्योहारें दे मौसम च परेशानी मुक्त रोहने लेई सैहयोग करने दी अपील कीती ऐ। रियासी जिले च चला'रदी तयारियें बारे जानकारी दिंदे होई ADC रियासी राकेश कुमार होरें दस्सेया.



Weather

मौसम विभाग नै 14 ते 17 फरवरी गी किश उच्चियें धारें पर हलकी बर्फबारी होने दी पेशनगोई कीती ऐ। इसदे इलावा मौसम आमतौर पर 25 फरवरी तगर खुशक गै रहोग। लोकें ते यात्रियें गी सलाह दिती गई ऐ जे ओह मौसम बारे सरबन्धी जानकारी लेंदे रौहन। मौसम बारे होर मती जानकारी दिंदे होई विभाग दे निदेशक मुख्तार अहमद होरें गलाया .

<><><><><><>